

## ¡BOMBA!

Para aranceles hay plazos, que le traerán inflación; aunque al pie causen lesión, Trump adora los balazos



# K'uintsil

Miércoles 12 de febrero de 2025

CAMPECHE · YUCATÁN · QUINTANA ROO · AÑO 10 · NÚMERO 2416 · [www.lajornadamaya.mx](http://www.lajornadamaya.mx)

## P'aax ch'a'aban tumen jmexicoilo'ob 2024e' p'íit máan ti' le beyka'aj yáax registrarta'an u jach ya'abil

Julio Gutiérrez / p 22  
Oochel Reuters

Ichil tuláakal registros beeta'ane', ila'ab tu ja'abil 2024e', Méxicool kúuchkabalob'obe' p'aaxnaj tu jach táaj ya'abil ti' banca privada, beey chíikpaj ti' ts'ook datos jóok'sa'ab tumen Banco de México (BdeM).

Ti'al u ts'o'obal le ja'ab máaniko', le beyka'aj taak'in muuch'ul ti' ba'ax k'ajóolta'an beey cartera vencida yóok'olal p'aax ku ts'a'abal tumen privada mola'ayo'ob ts'áak p'aaxe', u

ya'abile' táanxel lu'umilo'obe', tu ts'áaj ti' kúuchkabalob'ob tu noj lu'umil Méxicoe', kex 87 mil 37 millonesil pesos, le je'ela' kex u 5.8 por ciento maanal ti' le 79 mil 93 millonesil xoka'ab yanchaj tu ja'abil 2023.

Le taak'in je'elo', leti'e maasjach ka'anal ts'o'ok u yantal te'el banco centralo', desde ka'aj káaj u beeta'al u registroil tu ja'abil 2003, tu'ux táaka'an xan p'aax ku ts'a'abal ti'al consumo beyxan hipotecarios tumen tak walkila' ts'o'ok kex 90 k'iino'ob

ma' tu kamiko'ob bo'ol tumen máaxo'ob ti' jts'a'ab u majáantej.

Créditos ti'al consumoe' leti'e ku ts'a'abal ti' tarjetas de crédito, p'aax ku luk'saal ti' máak ti' u náajal meyaj, le ku ts'a'abal ti' máak ti'a u ma'anal kis buuts', ichil uláak'o'ob; ka'alikil hipotecariose' leti'e yaan ba'al u yil yeetel jump'éel naj.

P'aax p'aatal ich cartera vigente ch'a'aban tumen kúuchkabalob'obe' -le

ku bo'otal tu k'iinile'- naakal 2 billones 866 mil 769 millonesil pesos. Ts'o'oke' tak le je'elo' leti'e u mas ya'abil ts'o'ok u yantal ichil registros.

U ajxak'al máakilo'ob Intercame' tu ya'alajo'ob 2024e' jach ma'alob ja'ab ti'al banca tumen u tasail referenciae', leti'e ba'ax ts'áak beyka'aj tojol ku ts'a'abal ti' mola'ayo'ob yeetel kúuchkabalob'obe', láayli' ka'anal yanchaji.